



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**S. Avrel. Avgvstini Confessionvm Libri X**

**Augustinus, Aurelius**

**Coloniae, 1646**

Cap. II. Se impuros amores spectaculis theatricis fovisse, & infaustis  
amantium eventibus condoluisse, non vera misericordia.

**urn:nbn:de:hbz:466:1-10120**

## V S V S.

1. Docet S. Aug. suo exemplo juvenem vanitati, & sensibus obsequentem, divina vero fastidientem, non posse se continere à gravibus flagitiis. Quod illi itaque evenit, ut in libidines & scortationes rueret : hoc, prò dolor ! quotidie aliis, easdem ob causas , fieri videmus.
2. Ut olim ita & nunc miseranda est vanitas: eos urbanos & elegantes haberi , qui feminis colludere & corridere norunt. Reperiuntur qui indignantur filiis , eosque degeneres putant , si talia aversentur , maluntque spectare proterve procantes aut jocantes , quam virgineo rubore suffundi.
3. Agnosce divinam bonitatem, quæ felle aspergit fœdas voluptates, ut ab iis abstrahat : & mirare lascivorum stultitiam , qui in suis libidinibus ceduntur *virgis ferreis*, ut loquitur S. D. & multo plura patiuntur sub jugo mundi , quam paterneruntur sub jugo Christi.

## C A P. II.

*Se impuros amores spectaculis theatraicis fuisse, & infaustis amantium eventibus condoluisse, non vera misericordia.*

- I. **Q**uid est, quod homo ibi vult dole-re , cum spectat luctuosa atque tragica, quæ tamen pati ipse nollet ? Et tamen pati vult ex eis dolorem spectator , & dolor ipse est voluptas ejus. Quid est, nisi misericibilis insanía? Nam eo magis eis movetur quisque , quo minus à talibus affectibus sanus est, quamquam , cum ipse patitur, miseria ; cum aliis compatitur, misericordia dicū solet. Sed qualis tandem misericordia, in rebus fictis & scenicis? Non enim ad subveniendum provocatur auditor, sed tantum ad do-

dolendum invitatur: & auctori earum imaginum amplius favet, cum amplius dolet. Et si calamitates illæ hominum vel antiquæ, vel falsæ, sic agantur, ut qui spectat non doleat, abscedit inde fastidiens & reprehendens. Si autem doleat, manet intentus, & gaudens lachrymatur.

2. Lachrymæ ergo amantur, & dolores? Certe omnis homo gaudere vult. An cum miserum neminem esse libeat, libet tamen esse misericordem? Quod quia non sine dolore est, hac una causa amantur dolores. Et hoc de illa vena amicitiæ est. Sed quò vadit? quò fluit? Ut quid decurrat in torrentem picis bullientis, æstus immanes tetram libidinum: in quos ipsa mutatur & vertitur per nutum proprium, de cœlesti serenitate detorta atque dejecta? Repudietur ergo misericordia? Nequaquam. Ergo amantur dolores aliquando.

3. Sed cave immunditiam anima mea,  
sub tute Deo meo, *Deo patrum nostrorum, &*  
*laudabili, & super exaltato in omnia secula,* cave immunditiam. Neq; enim nunc non misereor. Sed tunc in theatris congaudebam amantibus, cum sese fruebantur per flagitia, quamvis hæc imaginarie gererentur in ludo spectaculi. Cum autem sese amittebant, quasi misericors contristabar, & utrumque me delectabat tamen. Nunc vero magis misereor gaudentem in flagitio, quam velut dura perpeccatum detimento perniciose voluptatis, & amissione miseræ felicitatis. *a* Hæc certe verior misericordia, sed non in ea delectat dolor. Nam & si approbatur officio caritatis, qui dolet miserum: mallet tamen *uti-*

Dan.3.52.

utique non esse, quod doleret, qui germanitus misericors est. Si enim est malevolam benevolentiam (quod fieri non potest) potest & ille, qui veraciter sinceriterque miseretur, cupere esse miseros, ut misereatur.

4. b Nonnullus itaque dolor approbadus, nullus amandus est. Hoc enim tu Domine Deus, qui animas amas, longe alteque purius quam nos, & incorruptibilius miseris: quod nullo dolore sauciari. Et ad hæc quis idoneus? At ego tunc miser & dolere amabam: & querrebam, ut esset, quod dolerem: quando mihi in ærumna aliena, & falsa, & saltatoria, ea magis placebat actio histrionis, meque alliciebat vehementius, qua mihi lachrymæ excutiebantur. Quid autem mirum, cum infelix pecus aberrans à grege tuo, & impatiens custodiæ tuæ, turpi scabie foedarer? & inde erant dolorum amores, non quibus altius penetrarer (non enim amabam talia perpeti, qualia spectare) sed quibus auditis & fictis, tanquam in superficie raderer; quos tamen, quasi unguis scalpentium, fervidus tumor, & tabes, & sanies horrida conseqüebatur. Talis vita mea nunquid vita erat, Deus meus?

## N O T A.

a *Hæc certe vero misericordia) misericordia vera est dolor sive displicentia de vero malo alterius, ut colligitur ex S. Th. quando nimis ita præbetur misericordia, ut conservetur justitia: sive cum indigenti tribuitur, sive cum ignoratur pœnitenti, teste S. Aug. Hæc vero misericordia, qua adolescens condolebat in theatro, infaustis flagitiis amantium eventibus, non erat vera: improbis enim eripi facultatem peccandi bonum, non malum est. Vnde male de ipsorum bono deluisse se agnoscit.*

b No. 30

70 S. AVR. AVGVST. CONFES.

- b Nonnullus itaque dolor approbandus, nullus amandus est) Ostendit etiam vera misericordia, non amari dolorem, tum quia mallet non esse alienam miseriam, de qua dolet, tum quia Deus miseretur absque ullo dolore, sola simplici displicantia alieni mali. Cum autem S. D. negat esse amandum dolorem miserentis, etsi sit approbandus: solum significat dolorem, ut est malum naturæ dissentaneum, nihil habere intrinsece, unde ameritur. Nonvero negat eum, ut suscipitur interitione caritatis, posse amari. Si enim potest approbari, bonus est: si bonus, potest amari: ergo si approbandus, est etiam amandus, non propter se, sed proximum. Quo pacto SS. Martyres amant mortem, & tormenta propter Deum.
- c Dolere amabam) dolorem falsum, qui dum actorum peritia, nativaque repræsentatione augebatur, augebat impuros animi ardores. Non aliter itaque Aug. amabat & quærebat dolorem in fædis spectaculis, quam scabiosus unguis scalpentium: ut modico dolore dulciorum sentiat carnis pruritum.

V S V S.

Docet S. D. detestari turpia spectacula, quæ nihil aliud sunt, quam fomites libidinis, vel luscitandæ, vel alendæ.

C A P. III.

Se in templo quoque negotium libidinis procurasse, in schola autem Rhetoris superbiisse, calumnias tamen eversorum odisse.

i. E T circumvolabat super me fidelis à longe misericordia tua. In quantas iniuriantes distabui, & sacrilegam curiositatem secutus sum, ut deserente te, deduceret me ad ima infida, & circumventoria obsequia dæmoniorum; a quibus immo-  
labam